

第一三四冊

方輿彙編

職方典

杭州府部

（卷）
卷一

古今圖書集成

中華書局影印

卷一
詩經
卷二
書經
卷三
禮記
卷四
易經
卷五
春秋
卷六
三傳
卷七
四書
卷八
五經
卷九
六經
卷十
七經
卷十一
八經
卷十二
九經
卷十三
十經

下

古今圖書集成

中華書局影印

欽定古今圖書集成方輿彙編職方典

第九百三十六卷目錄

杭州府部彙考二

杭州府山川考一

職方典第九百三十六卷

杭州府部彙考二

杭州府山川考一

本府 錢塘七和二縣附郭

府縣志合載

吳山 杭之鎮山也在城西南春秋時爲吳南界故曰吳山或曰以伍子胥故曰伍山訛伍爲吳故亦稱胥山又曰越沼吳時卽此山以祀太伯伍員因謂之吳山云蓋天目爲杭州諸山之宗翔舞而東結脉于鳳凰山其支山左折遂爲吳山西北爲寶月爲峨眉諸山稍南爲石佛爲七寶諸山而總之曰吳山也峭崿奇峯澄波靚浦周回環拱扶輿清淑之氣鍾焉立而環眺則官司廨署衙鎮營堠九陌三條紅霧塢起隱隱振振漏盡猶喧道院僧廬朱樓畫閣參差掩映仙靈宅之昇其巔則恍惚凌虛碧天倒匝山川包絡界脉縷分脊腋首尾歷歷可數山之頂背西面東爲城隍之廟蓋通浙城隍之大神也先是永樂中錦衣衛指揮紀綱有寵使千戶往浙

縱橫不法按察司使周新捕而治之千戶訴于綱綱誣新以他惡帝怒逮新至陛前抗聲陳其罪且曰按察按事與都察院同陛下之明詔也臣奉詔行法奈何罪臣帝命戮之大呼曰臣生爲直臣死爲直鬼帝尋悟深爲悼惜後數日朝退見一人直立不去曰臣周新也上帝憐臣命總司浙江城隍事帝卽以此封之威靈赫然奇跡不可勝紀故凡浙官之初蒞任也必先赴廟中齋宿次日晨禮神讀誓以洗其心而舊例每月朔縣供香燭至期三臺而下皆入廟謁神拈香而拜道士百餘人皆習于虛靜之教孤清淡穆事神惟虔玉磬琅玕歌送奏步虛之聲縹緲出於雲霄之上州人仰之若天際然曉望初日透海而出萬頃搖赤層霞弄影久之乃升則草樹烘臺殿朗矣入夜家家燈火繁若墮星遙與隔城漁照遞相輝現則又無夕非上元也至若匹練橫空堆銀擁雪排空鼓怒勢若雷轟天下之奇惟浙有之而吳峰一望尤勝他處斯又枚叟之所扼腕而談元虛之所腐毫而賦者也杭州爲全浙之都會而吳山又爲一州之鉅觀豈虛也哉按錢塘縣志杭城西枕湖南北二山遶湖三面南山隆峙女牆垣其上入城蜿蜒二里許曰吳山則知吳山卽南山之闌入城者不隸南山專名吳山以此山跨據城中一尊吳也綠山西上有寶月峨眉淺山金地七寶寶月山 地蟠中軸對峙藩司東北爲峨眉山又東爲淺山正東爲金地山按錢塘縣志一名

天井

寶山 在吳山之西南下爲寶奎寺按錢塘縣志爲淺山之支

我眉山 在布政司南

淺山 在峨眉山東其支爲寶山有青霞洞奇石錯峙如青霞池曰蕉井日子午井子午二時則水溢齊井口今並在真聖觀觀中有碑曰蜥蜴碑古文剝落皆舊跡也按錢塘縣志上有惠應廟承天觀金龍泉水神廟八眼井濠沙坑竹園山 在吳山西相接一脉獨趨而北陰隆起宋臨安尹趙興憲建閣其上平瞰西湖扁曰竹閣理宗御書景定三年魏安撫克愚從其閣而山亦漸弛爲地矣按錢塘縣志爲金地之支山

七寶山 在三茅觀之趾稍東爲寶蓮山又東爲清平山與城外鳳凰山相接西爲鐵冶嶺按錢塘縣志上有通元觀七寶庵三茅亭壽觀汪王觀

石佛山 舊爲寶成講寺今寺廢而石佛尚在上爲重陽庵其西爲青衣洞有青衣泉按錢塘縣志爲七寶之支山

金地山 在七寶山南按錢塘縣志上有城隍廟梓潼帝君廟火德星君廟

寶蓮山 在吳山西按錢塘縣志山下有壽春庵宋慶元間韓侂胄賜地寶蓮山下建閣古堂砌瑪瑙石爲池遙引青衣泉注之名聞古泉陸游爲之記

清平山 在吳山南鳳凰山北

瑞石山 一名紫陽山在寶山南中有三茅觀

鍾翠亭紫陽庵紫陽洞瑞石泉此山秀石玲瓏

岩竇竊窻寒泉涓涓匯為澄泓清幽徹骨空翠

撲肌湖山奧區罕與倫者蒙峯峭削凌空雪

風洞豁開曲徑履鳥所涉栩栩欲仙接錢塘縣

志元至正間徐洞陽建庵于此宋太平興國時

天台悟真紫陽真人張用成字年叔獲丹術于

劉海蟾以元豐五年三月十五日蛻去洞陽感

紫陽幻形授大道遂名紫陽庵其徒丁野鶴暮

之一日召其妻王守素入山付偈云懶散六十

年妙用無人識順逆已俱忘虛空鎮長寂抱膝

而逝守素漆其身端坐如生守素亦束髮為女

冠不下山者二十年

狗兒山 按舊志在清波門內之北舊豐樂橋

之南考今山在清波門北約半里類而猶存高

止丈許

武林山 在武林門內一里而近有小土阜高

可三丈廣不滿百步宋太乙宮元青蓮寺皆在

其下山之陽舊有長壽寺今改為聖壽寺寺有

大井山上有銀杏樹皆宋故物宋時又為雜造

局今廢不存仁和縣志謂武林名城因其近此

山也乃知此山實名武林非虎林夢梁錄謂此

山為杭城之主山今稱聖壽寺為祖山寺信知

為主山也

狗兒山 在僊林寺後高大倍清波門內者舊

志失載接仁和縣志今諸僧環山築室亦墮廢

之漸也一名僊林山

雲居山 在杭州城西南上有雲居寺又名聖

水寺面聖湖倚楓林頗稱佳境而中峰和尚之

履趙子昂之碑尤為勝跡寺額題雲居二字亦

子昂書

螺蛳山 一名螺子峰亦稱螺峰在吳山背逕

必盤旋曲折而上故名之當吳山腰半高不迂

風低不障景拾級望湖猶倚翠屏而臨明鏡也

秦駘峰 在紫陽山側

十二峰 在火德廟平地舉起如笋如槌高者

近丈矮者三四尺殆天工也有額曰坎離既濟

董其昌書

鐵冶嶺 在杭州城西由北而登雲居山之逕

也嶺脊西有土阜焉為元楊鐵崖讀書處按錢

塘縣志七寶之支有嶺曰駱駝曰紫坊曰鐵冶

有雲居聖水寺三佛泉上方院有井曰郭璞又

曰郭婆泉味清冽大旱不枯下有正學祠火神

廟

紫坊嶺 在豐寧坊濊沙坑側弛為民居不存

駱駝嶺 在馨如坊三茅觀之麓其下舊有市

俗呼小壩頭

灌肺嶺 在清河坊北大街舊有埠今弛為路

狗兒嶺 在富樂坊內今弛為路

大觀臺 在雲山東南其實山也以其方而四

削故名上有亭今廢登之江湖海俱在一矚紫

陽山石疊疊然如數髯僂於嶺下

青衣洞 在吳山重陽庵後故老相傳昔人至

洞口有青衣童子明麗如玉問之不應良久入

洞不復見尋形追逐但聞風雨之聲毛髮悚慄

而出有青衣泉按錢塘縣志明洪武中常德丁

啓東至杭夢羽衣攜一童子示之翼且追憶往

訪見童子塑像儼然昨夢踰年生子潤山啓東

為建亭麗泉上宣德中潤山以賢良為閩縣主

簿道杭州乃建殿宇

紫陽洞 在秦駘峰之側前有紫陽庵

巨石山 一名寶石山在錢塘門西北磊砢噴

岬負郭挺立高六十三丈周一十三里山形蒼

翠影落湖中出郭聘望春臯靚然上有石甌山

北有落星二石一在山北址一在山後岩上吳

越王號壽星寶石山後改為巨石山羅隱封石

記云或聳秀而層排巨石或峩嶢而朝挹衆山

者是也山之勝曰石屏風獅子峰屯霞石下有

寶稷山

石甌山 在巨石山之上巍石如甌浮圖七層

高出雲表者曰保叔塔以僧保叔所建也一名

寶所塔

寶稷山 在巨石山之下山下有乳泉佛足泉

絕頂為寶峰

霍山 在寶石山之北有慶忌塔相傳為王子

慶忌所廕也霍山於湖北諸山最小山形多骨

石笋鱗起與巨石山類瀕湖諸山至此為斷壤

矣

石佛山 在寶稷之南相傳祖龍纜船石也石

旁則沁雪泉在焉西為錦塢為初陽臺葛仙翁

井紫陽書院

寶雲山 在石佛山之西勢甚峻嶸其木多松檜其卉多藤蘿僕夫泉在其下稍西爲葛嶺

履泰山 在寶雲山之西又西爲栖霞嶺外爲虎頭岩

孤山 在裏外湖之間山形繚逶歸然湖中綠波迴環頗爲幽勝以其不與諸山屬也名曰孤山以其浮於水若島嶼然亦名孤嶼以其四面皆水若海上神山故又名瀛嶼山多梅爲林處士所植今梅徑尚存其古蹟則六一泉放鶴亭三賢閣泉者東坡官杭州因泉懷六一翁遂名之後爲茅少宰瑣別業後陳樞使調元擬建祠祀六忠於湖上時茅氏莊院已圯瑣孫肅即捐其地調元爲建祠今六一泉寺是也祀鄴侯香山東坡其中林逋墓爲和靖先生葬處又有蘇小小墓在孤山陰小書者明怨女也有詩云西陵芳草騎驄麟內使傳來喚踏春盃酒自澆蘇小墓可知妾是意中人後沒葬此曰小青墓今二墓俱荒沒菊香塚在文昌閣側小石隆起鐫字宛然

仙姑山 在履泰山之西平廣迤邐爲西北諸山之界其木多杉檜楓楡森茂密稍西爲玉泉自玉泉折而西北曰青芝塢其西曰靈峰

秦亭山 在青芝塢之北又西曰法華山山多茶笋水竹秀媚

石壁山 龍駒山 俱在秦亭之西方并嶽廟在焉諸山以法華山爲宗以其去孤山稍遠

故敘首仙姑多名墓毘陵鄒祇謨嘗作靈峰墓記

集慶山 在仙姑山之西南其植多松梓銀杏亦饒橡栗下臨孔道爲三竺入路仙姑山稍南有行春橋過橋由大道經普福進遷集慶山前路折而南曰飛來峰曰上天竺中天竺下天竺三面阻山中路直闢若函谷然由行春至天竺皆長松夾道名曰九里松松蓋唐宋時物集慶山之西曰靈隱寺

靈隱山 去城西十二里高九十二丈亦曰靈苑曰僊居亦稱西山其山起欽出睦跨富春控餘杭蜿蜒數百里結于錢塘如引兩臂南垂懸脂嶺北垂馱嶺嶺其山峰之北起者曰高峰高峰之東曰屏風嶺又東曰馱嶺嶺高峰之西曰烏峰又西曰石笋又西曰楊梅石門又西曰西源亦曰西庵支出于西源之右者曰石人其南起而望之藹然者曰白猿左出白猿之前者曰香爐益前而垂澗者曰與正右出于白猿之前而林木森然者曰月桂白猿之東曰臘脂嶺白猿之西曰獅子峰又西曰五峰又西曰白雲白雲又西曰中印中印之前曰無礙又前曰善住並善住而特起者曰稽留俗稱鷄籠者說也稽留之西曰蓮花有岩曰玉女蓮花之東曰飛來上有石梁西跨下有岩洞曰龍泓曰香林曰射旭曰理公其水南流者謂之南澗北流者謂之北澗南澗自合澗橋迤流至白雲峰之下凡八逾橋其七石也其一木也北澗自龍脊橋迤流

至西源峰之山凡七逾橋其四石也其三木也南澗之源出自白雲峰而東注會他支澗逾第八橋之西會溪家澗入新移澗出開口曲流北經合澗橋北澗之源出自西源峰而東注過騰雲塢遍風樹塢湍于第五橋下浸飛來峰趾會于西塢漾停于洗耳潭潄于澗渚東嶼亦曰暖泉激灑于冷泉亭下經呼猿石門澗潛激于龍脊橋東經合澗橋又東二里過行春橋出靈隱浦入西湖謂之泉源泉之南出者七月月桂曰伏犀曰丹井曰未清曰偃松曰聰明曰倚錫月桂在天竺寺之右伏犀在飛來峰之巔其餘皆出支塢泉之北出者九曰冷泉曰韶光曰白沙曰石笋曰白公茶井曰無著偃松曰永安曰彌陀曰騰雲惟冷泉在澗壩其餘皆出支塢其西爲栗山靈隱山有靈隱寺慧理爲祖近弘禮數年方丈法席一新山巔頂有韜光庵蓋寺之別院磴道盤空極望寥逕賈王詩云樓觀滄海日門對浙江潮卽此境也按錢塘縣志其下爲景福靈隱禪寺有峰曰西源有塢曰大桐巢居北有泉曰銀沙金沙福泉蕭公曰公茶井池曰金蓮顰筆茯苓

栗山 在縣治西十七里高六十二丈周圍十八里二百步山下有人嶺峭拔疑立形如人狀雙髻聳然下有洞府名玉女岩一名新婦石西北有珍珠塢東墓嶺飛泉二道吳大帝時所刻石杵在焉按縣志栗山一作栗山隋地理志錢塘有栗山而無栗山舊志恐誤西爲黃山有大

方輿彙編職方典第九百三十六卷杭州府部

第一三四冊 之〇二葉

嶺在山左平坦如掌長二十里范村通西溪道也其最峻者曰焦山

南屏山 在慧日峰後怪石聳秀若神斧鬼工中穿一洞陰呀巉巖上有石壁若屏障然刻司馬溫公所書家人卦樂記禮樂不可斯須去身中庸道不遠人各一章下有小南屏山其西爲九曜山按縣志南山之奇秀者曰南屏山在仙姥墩西南蓋九曜之支東行長互峰巒聳立怪石踳踖峻壁蒼深宛如屏障凌空而中峙者則慧日峰下即淨慈禪寺寺之西隅有甘泉名圓照寺外有池曰萬工上有岩曰歡喜淨慈後有蓮花洞前迦湖濱西上曰雷峯建有雷峯塔麓爲藕花居

九曜山 去城五里一名安家堂上有九曜星君殿九曜與赤山接趾西南即太子灣北即南高峰

育王山 在南屏山東嵯峨與南屏埒樹尤深秀蒼蔚按縣志舊名鍋子山去城十里山形孤挺不與羣峰齒山下有玉皇殿稍下有天真寺有臺曰登雲洞曰靈化湯明池曰洗馬鴻鴈前有天花山

玉岑山 在石屋嶺左一峰聳出衆山繚繞中有古木倒垂森翠可愛其北則花家山

赤山 在麥嶺南厥土赤因名赤山左右舊有廣果寺開化尼寺法興寺保福院永慶院真如院淨梵院寶林院廣福院修吉寺正濟寺法雨寺安福尼寺極樂寺凝禪庵

鷄籠山 在龍井風篁嶺側遠樹亭亭望如車蓋四山間寂虎豹窟藏以是遊者特罕山多梅花亦名梅花嶺

靈石山 一名積慶山又名靈石塢在西山放馬場山石常有光怪故名又古蹟事實云靈石山在南山栖眞院之上有演福寺宋賈妃墓吳越太尉薛公墓元句曲外史張伯雨墓在山左按一山而所紀西南異壤姑兩存之

大慈山 在城西南十里龍山之西武林諸山自九曜而南山勢翔舞石筍鱗見在大慈山前則松杉棋布圓岡對立如覆釜然山色蒼蔚中峰隆起旁舒兩翼虎跑泉在其上按縣志九曜之支西行曰丁婆嶺妻家山大慈山石有龜龍旗鼓之狀郭璞記所謂地勢之奇也

包山 在城南候潮門外近宋郊壇有冷泉峪當時多桃花爲春日遊覽之勝地名桃花關關上書蒸霞二字按縣志名包家山在龍山之南俗名邊家山

秦望山 宋兩朝國史志錢塘有秦望山去縣舊治之南一十二里一百步高一百六十丈週迴一百步輿地志秦始皇東遊登此山瞻望欲度會稽故名後唐同光中錢氏于秦望山建上清宮有巨木二十餘株自然成行名曰金洞門晏元獻公云近東南有羅刹石橫截江濤商船海船經此多爲風浪傾覆因呼爲羅刹每歲仲秋既望必迎潮設祭樂工鼓舞其上後改名鎮山石五代開平中爲潮沙漲沒

五雲山 在縣治西南二十里岡阜秀絕林巒蔚起高千丈週迴十五里沿江自徐村進路遶山盤曲而上凡六里七十二灣石磴千餘級山半有伏虎亭梯以石城以便往來至巔平岡名月輪山上有天井二天旱不竭東爲大灣山稍北爲馬鞍山西一里爲雲棲塢有雲棲寺南爲高麗山稍東爲排山南北兩峰皆環拱焉諸山連絡勢若降伏長江如練圍繞其下真奇觀也產松竹楊梅獸有鹿兔鳥有山雞鴉鵲按縣志天門山之支南行者曰五雲霞蔚雲蒸卷舒天平江水三折當其前東北爲白沙塢西北爲雲棲塢雲棲之後爲廻耀峰高峻插天掩蔽日月東岡爲寶刀壠石勢巉巖浮筠青潤最東爲壁觀峰古木蒼深藤蘿垂映金液泉青龍泉聖義泉在樹之左右覽引涓涓甘芳潔冽汲灌不竭西南爲黃泥瀛柏子尖蕭家塢馮具區所稱雲山窈窕竹樹蒙密今猶近之宋南渡時有余知閣宅後拾爲寺名棲眞俗稱雲棲明萬曆間高僧林宏道場溪水抵朱橋入于江

大灣山 在五雲山東二里

高麗山 在馬鞍山南二里

排山 在高麗山之東一里

白岩山 在郡城西南將二十里盤遶森鬱與雲棲略同中有尊聖禪寺宋釋投子嘗結茅于茲後位中和尚復爲募建寺穿石鑿池極爲奇勝按縣志在縣西南五十里高五十丈週迴六里岸崢嶸險磊落多石按白岩嶺峰房岩天

鷄籠山 在龍井風篁嶺側遠樹亭亭望如車蓋四山間寂虎豹窟藏以是遊者特罕山多梅花亦名梅花嶺

靈石山 一名積慶山又名靈石塢在西山放馬場山石常有光怪故名又古蹟事實云靈石山在南山栖眞院之上有演福寺宋賈妃墓吳越太尉薛公墓元句曲外史張伯雨墓在山左按一山而所紀西南異壤姑兩存之

大慈山 在城西南十里龍山之西武林諸山自九曜而南山勢翔舞石筍鱗見在大慈山前則松杉棋布圓岡對立如覆釜然山色蒼蔚中峰隆起旁舒兩翼虎跑泉在其上按縣志九曜之支西行曰丁婆嶺妻家山大慈山石有龜龍旗鼓之狀郭璞記所謂地勢之奇也

包山 在城南候潮門外近宋郊壇有冷泉峪當時多桃花爲春日遊覽之勝地名桃花關關上書蒸霞二字按縣志名包家山在龍山之南俗名邊家山

秦望山 宋兩朝國史志錢塘有秦望山去縣舊治之南一十二里一百步高一百六十丈週迴一百步輿地志秦始皇東遊登此山瞻望欲度會稽故名後唐同光中錢氏于秦望山建上清宮有巨木二十餘株自然成行名曰金洞門晏元獻公云近東南有羅刹石橫截江濤商船海船經此多爲風浪傾覆因呼爲羅刹每歲仲秋既望必迎潮設祭樂工鼓舞其上後改名鎮山石五代開平中爲潮沙漲沒

鷄籠山 在龍井風篁嶺側遠樹亭亭望如車蓋四山間寂虎豹窟藏以是遊者特罕山多梅花亦名梅花嶺

靈石山 一名積慶山又名靈石塢在西山放馬場山石常有光怪故名又古蹟事實云靈石山在南山栖眞院之上有演福寺宋賈妃墓吳越太尉薛公墓元句曲外史張伯雨墓在山左按一山而所紀西南異壤姑兩存之

大慈山 在城西南十里龍山之西武林諸山自九曜而南山勢翔舞石筍鱗見在大慈山前則松杉棋布圓岡對立如覆釜然山色蒼蔚中峰隆起旁舒兩翼虎跑泉在其上按縣志九曜之支西行曰丁婆嶺妻家山大慈山石有龜龍旗鼓之狀郭璞記所謂地勢之奇也

池寶盤池自來泉吹香泉珠峰石蓮花峰歸龍橋思君子徑爲白岩十景藤村至歸龍橋數里夾道修竹盛夏使人忘暑

廟山 在縣治西南三十里高十五丈週迴六里其山多石間植松檜按縣志觀山東爲青山又東爲廟山去城五十里突出江心潮勢至此稍殺西爲桐子山又西爲西塢山

焦山 在縣治西南四十里高一千二百丈週迴二十里境中諸山惟茲山爲最高按縣志山巔舊有元武廟甚靈境中多虎廟廢

小和山 在焦山南二里

龍門山 在小和山南三里

大斗山 在龍門山南一里

丫頭山 南去斗山一里巔起雙峰如髻故名植茂松竹獸多兔鹿狸鳥則山雞鳩鵲

觀山 在縣治西南四十五里高八十丈按錢塘縣志名觀中山高十六丈周六里

青山 在觀山東二里按縣志俗呼密家灣高十丈周一里

石峰山 在觀山西一里山多石形如蜂攢故名

石板山 在觀山北五里

龜山 在石板之北一里觀山以下諸山栽惟松獸惟兔鳥惟山雞鳩鵲

黃梅山 在縣治西南五十里高八百丈週迴十里山麓綿邈而東週二十里溪水環集皆植松竹竹多于松里人取竹作紙充徭役也按縣

志黃梅近祖龍門山瓜藤山 在白岩山東迤邐而下羣峰起伏勢若瓜藤高四十五丈筆山 在瓜藤之東解頭山 在筆山之東按縣志高三十丈鯉魚山 在解頭山東半里高八丈自瓜藤而東週迴十八里西山 在縣治西南六十里高七百丈週迴二十里西與富陽廟山爲界按縣志成化志有報山無西山疑報山卽西山也壘山 在西山東二里按縣志作雲山四圍皆石玲瓏秀巧有仙人洞洞門石闕一石空駕其上洞內空明有石鼓旁有小窟奇石谿谿靈山 在山西一里三山產松竹楊梅獸多虎兔鳥多山雞按縣志高十丈周二里九里暗山 在縣治西六十里崔嵬深窅又多茂竹高松地多虎人不敢獨往萬羅山 在九里暗山西二里此山居諸山中週迴如羅故名按縣志高八十丈週迴四里獅象山 在九里暗山之北二里廣福寺護山也按縣志高八丈週迴二里西塢山 在縣治西南六十里高二百丈週迴二十里洞子山 在西塢之東二里又東二里爲廟山按縣志作桐子山高五十丈週迴二里神山 在縣治西南六十里高四百丈昔有五神時現其上故名

道士山 在神山北一里萬丈山 在道士山北二里山形險阻至者罔不却步

麻車山 在萬丈山北里許

塘山 在神山南一里

筆架山 在塘山南三里按縣志由清波門南行爲筆架山方家峪西南華津洞梯雲嶺又南爲慈雲嶺下爲觀音洞

長嶺山 在神山西三里西富陽界北餘杭山界

石和尚山 在縣治西南六十五里高六百丈週迴一里山巔巨石如僧伽狀故名按縣志周十里

燕子山 在石和尚山稍東高十丈

前山 在石和尚山北三里高八百丈按前山有七洞僧祖予曾以竹茅蒸火而入三洞內微明辨色一洞有石擊之如鼓聲山罅流泉濺濺滴下病目者洗之多愈許元祐風水洞詩云聊將洞中水試拂眼前花

石灰山 在石和尚山東六里高九百丈山惟石里人燒石爲灰間有松竹楊梅獸虎鹿兔鳥雉雀書眉

魚頭山 在石灰山東一里高三十丈

羅帶山 在縣治西南七十里高百丈週迴二十里左右羣峰迤邐環繞若羅帶然

翠屏山 在羅帶山之北三里

印山 在羅帶山之東二里山水環圍其形若

印去南五里爲富陽界

定山 一名獅子山去縣治東南四十里太平

寰宇記定山突出浙江數百丈又郡國志江濤

至是輒抑故云定山人賴之按縣志高七十

丈週迴七里一百二步

浮山 在縣治東南四十五里蘇文忠守杭日

疏河奏云潮水自海門來勢若雷霆而浮山峙

于江中與漁浦諸山相望大牙錯入以亂潮水

洄洑激射其怒百倍沙磧轉移狀若神鬼雖舟

師漁人不能前知其淺深坐視舟船覆溺無如

之何至今號爲險處

湖下山 在浮山南二里

泉井山 在湖下山之南二里浮山以下諸山

山無巨林惟新條耳

秦亭山 在縣治西北二十里高百丈週迴三

里山茂松竹楊梅新條按縣志即堰橋山秦始

皇登此望海

法華山 在縣治西北三十里北爲龍駒山東

爲應婆山廟山童山蔣家山馬山淺山按縣志

有法華僧靈蹟因以名山

龍駒山 在仙姑山之西法華山之北二里

應婆山 在龍駒山之東一里高八百丈

童山 在應婆山之東二里

蔣家山 在應婆山之東二里

象鼻山 又在筆峯之東

鄭公尖山 在縣西北三十五里本靈鷲支山

爲鄭姓者所得故名山無巨材惟新

荆山 在縣西北四十五里高二百丈週迴五

里東二里爲神山又東三里爲南屏山又一里

爲安樂山諸山惟松竹薪篠楊梅鳥獸虎兔山

鷄鳴鵲

安樂山 去荆山東六里有永興禪寺安樂軒

方山 今名金印山在縣治北四十里高五十

丈週迴四里盤曲而上凡七灣石磴百級至岡

乃方故名山多怪石如墮星如筆尖如旗鼓龜

象後貌高皆數仞突起平陽諸山環列四面若

羅城然皆植松竹

大雄山 在縣治北五十里高千丈週迴八里

有大雄寺白龍潭在焉西爲觀山太婆山茅山

北爲鳥山蒿山沈母山東爲馬山舟家山響山

楊梅山箭山近山植多松竹楊梅鳥多山鷄鶩

隼獸有兔獾

太婆山 在大雄之西三里高三百丈

茅山 在太婆山之西高一百丈

鳥山 在大雄之北五里

蒿山 在鳥山之北三里

沈母山 在蒿山之北三里

馬山 在大雄山之東二里自鳥山以下諸山

楊梅山 在響山之東三里

筍山 在大雄之東十里按縣志名筍山相傳

荀子讀書處其側有石湯凡三四處相傳明初

沈萬三買山採石于此以竣公役雨積爲池蠶

成浴絲者競取水焉

近山 在筍山東南十里

全山 在縣治北七十里高六丈週迴二里西

爲芋山唐墓山洋山諸山列其南苔水環其北

產松柏西達餘杭界

芋山 在全山之西一里

唐墓山 在芋山之西五里唐孝女墓在焉

洋山 在唐墓之西半里

密山 在縣治北七十里高七十丈週迴四里

形如覆掌密屋遶山重疊盤曲與山上下勢若

盤龍去西半里即餘杭界

萬松山 又名界山在縣治北七十里高一

百五十丈西爲鳳泉山金龍山大遮山鳥尖山中

和山東明山村山長慶山西里山界山迤邐而

西北二十五里東北接武康西連餘杭界前有

安溪茗溪遶其南東有陡門關其側山多松竹

薪篠獸有虎兔鹿鹿鳥有山鷄鳩鵲

鳳泉山 在萬松山之西一里今更名唐山高

二百丈

金龍山 在鳳泉山之西二里高二百二十丈其

烏尖山 在大遮山稍前高百丈

中和山 在大遮山之西三里高二百五十丈

東明山 在中和之西一里高二百五十丈舊有東明寺

村山 去東明西三里高九十丈

長慶山 在村山西一里高一百丈有長慶寺

西里山 在長慶西二里高八十丈

烏石峰 在瑪瑙山後下有石洞高二丈餘即紫雲洞也

飛來峰 界乎靈隱天竺兩山之間蓋支龍之秀演者高不踰數十丈而怪石森立青蒼玉削若駭豹蹲獅筆卓劒立橫縱偃仰益玩益奇上多異木不假土壤根生石外矯若龍蛇鬱鬱然丹葩翠葉蒙幕聯絡冬夏長青其下岩肩窈窕屈曲通明壁間布鐫佛像皆元髟楊瓊真伽所爲也晉咸和元年西僧慧理登而嘆曰此乃中天竺國靈鷲山小嶺不知何以飛來仙靈隱窟今復爾否因樹錫結庵名曰靈隱命其峰曰飛來支分而回拱者曰靈鷲曰稽留曰月桂蓮花盤礴照耀爭奇競秀飛瀑乳灑冷泠大旱不絕卓筆峯 一名石筍峯在靈隱無垢院按縣志又名塢石峯高數十丈岑勢圓峭嵯峨雲際有石魚石筍井有如筆卓者故名舊有普圓院超然臺

靈鷲峯 在下天竺寺後按縣志靈鷲之麓即下天竺寺晉僧慧理建一名南天竺靈隱天竺皆慧理道場而靈鷲即飛來之陰山川之勝兩

寺共之實一山耳三竺峯嶺周匝數十里峯巒峻峭石級千層飛泉百道鳴咽流注兩山爲門中吐平原細若絲髮高柯參天竹柏合影巖壑美麗迴聚茲區飛來峯遙插寺後高朗清瑩如伏虬飛鳳層花累萼敏銳疊浪妍態殊形不易磬寫其材皆拔于岩骨不土而茂鬱葱蒼翠大者十圍昔人云此山產玉故曰靈鷲

稽留峯 在下天竺寺西按縣志堯時許由隱居此山遂名許由峯詔爲稽留或曰晉時許遠遊非許由也鄭道元水經注昔有道人入此不返因爲山號則稽留之名漢魏已然非遠遊遺蹟矣稽留之北爲中天竺寺天門之下爲上天竺

石竇峯 在包山北竇出細泉名石竇泉味甘而冽井上有常壽庵晉天福初吳越王爲志道法師建

月桂峯 在下天竺寺前天聖中天降靈實于此山狀如珠璣識者曰此月中桂子也宋之問詩桂子月中落白居易詩宿因月桂落

皇清康熙五年八月十三夜屋上歷落有聲視之則桂子也

蓮花峯 在下天竺寺西峯頂有孤石可四十圍頂上四開狀如千葉蓮花

北高峯 石磴數百級曲折三十六灣浮圖七層唐天寶中建會昌中燬錢王修復之宋咸淳七年復燬羣山屏列湖水鏡浮雲光倒垂萬象在下漁舟歌舫若鷗鳥出沒烟波遠而益微僅

觀其影西望羅刹江若匹練新濯遙接海色茫茫無際郡城正界江湖之間委蛇曲折左右映帶屋宇鱗次草木雲翳鬱鬱葱葱悉歸眉睫山頂舊有望海閣今廢

慧日峯 在淨慈寺後有慧日閣

雷峯 在淨慈寺前郡人雷氏築庵居之故名今謂之中峯按錢塘縣志朱道士徐立居此徐號回峯因又名回峯上建塔曰雷峯塔

南高峯 在南北諸峯之界平曠詰屈松篁葱蒨塔居峯頂後晉天福間建宋崇寧乾道兩度重修元季燬舊七級今存五級塔中四望則東瞰平蕪烟消日出盡湖山之景南顧大江波濤洄洑舟楫隱見杳靄間西接岩竇怪石翔舞洞穴邃密其側有瑞應像巧若鬼工北矚陵阜陂陀曼衍箭櫓叢出粦麥連雲山椒巨石屹如峨冠者名先照壇相傳道者鎮魔之所峯頂有鉢孟潭潁川泉大旱不涸大雨不盈潭側有白龍洞龍王祠今廢

虎頭巖 在錢塘門外界于寶嚴定業寺後山岩石突出如虎頭故名吳越王納土後望氣者云杭州西湖有虎頭山形勝命鑒之按縣志其中潛竇復戶低壓人背人則高豁天宇屈曲通明穿穴無盡空巖出泉下潛于地垂乳凝膏涓滴不絕石壁幽邃內蓄風門朔吹來時侵人肌膚

青林巖 顧彝吾山川記云靈隱山有青林巖龍洞其上皆櫛桂凌冬不凋故其林常青

龍洞 其上皆櫛桂凌冬不凋故其林常青

理公巖 在天竺山靈鷲峯之左飛來峯之陰
昔慧理冥息于此慈雲法師所謂訪慧理之禪
巖弔客魂之山館是也元時西僧楊連真伽于
巖上遍鐫菩薩羅漢之像

玉女巖 在靈隱山南俗名女兒山顧野王地
志云靈隱山南有玉女巖

佛手巖 在烟霞洞上奇石玲瓏下垂其尤異
者有石筍五支如手下指故名旁多宋人留題

落石巖 在佛手巖右狀如星隕故名其下兩
石壁立夾峙如含珠然

葛嶺 在西湖北棲霞嶺東葛洪煉丹之所未
賈似道賜弟子此有別墅名養樂園久廢

棲霞嶺 在葛嶺西桃開時爛燦如霞有水一
道名桃溪

石人嶺 在西山一名馮公嶺湖山至此幽邃
極矣過嶺爲西溪按縣志一名觀潮

大小二麥嶺 在西山界乎南北二山之間舊
多種麥因以名

馳轡嶺 在九里松之東乾道志作馳苑嶺
胭脂嶺 在九里松黉院路之西土色獨紅因
以名之

郎當嶺 在大青嶺南按縣志上有天門兩峰
並峙相對如門天門西北即栗山

風篁嶺 在南山飲馬橋西龍井在其下嶺之
西可達江潯按縣志上多蒼篁篠簞宋元豐中

僧辨才駐錫于此蘇公軾嘗訪辨才辨才送踰
此嶺左右驚曰遠公乃過虎溪耶辨才笑曰與

子成二老來往亦風流溪旁有亭因名二老亭
八蟠嶺 在大麥嶺後按縣志有周真人墓真
人仁和入精五雷法預測休咎歷事五朝贈真
人勅葬于此按舊志湖山有兩八蟠嶺一在西
湖定香橋一在萬松嶺右

慈雲嶺 在方家峪旁爲朱郊壇有後唐石刻
書云梁單闕之歲興建龍山至沼灘之歲開慈
雲嶺按縣志慈雲龍山之支脉也雖石級參差

由湖抵江千最爲捷徑支節而上首膝相接而
樵父飛行如履平地其巔有臺曰江湖偉觀下
有觀音洞

梯雲嶺 在慈雲嶺西按縣志石磴險阻高不
可階嶺下有水池靈固石

徐村嶺 礪馬嶺 牛坊嶺 并在定山
下

姜敘嶺 在縣西南二十里長一百二十丈高
八丈路登五雲山按通志名姜敘嶺

長嶺 在五雲山東北三里高十五丈長二百
丈通九溪十八澗

鷺鷥嶺 在白岩山北高二十丈長五里
龍門嶺 在縣治西南四十里高百丈長五里
西達餘杭縣界

黃山大嶺 在黃山左平坦如掌長二十里北
達西溪南通長江按縣志切逼大青會城溪鎮
所由分脈

鮑家嶺 在縣治西南五十里長一里坦如掌
背東達官路至富陽

小嶺 在壘山北高十丈長三里
滕村嶺 在縣治西南五十里高十丈長二里
南達楊村路

石灰大嶺 在石灰山半高五百丈長二里
分金嶺 在縣西南六十五里坦如平路長十
五里南通富陽北達餘杭按縣志水分二派一

派東南行至桑柳阪出大江一派西北行至閼
林埠出西溪

胡家嶺 在縣治西六十五里高十丈長三里
北達餘杭

荆山嶺 在縣治西北四十里高三十丈長二
里西達餘杭界

石嶺 在神山東高一百五十丈長一里峻極
人不易登北達餘杭界南通上埠

軍嶺 在神山西高百丈長三里
銀子嶺 在縣治北六十里高百丈長三里西
北達餘杭界

石嶺 在縣治北七十里高十丈長一里北達
武康界

九度嶺 在石嶺東三里高二百五十丈長十
里北達武康界

義墅嶺 在大遮山東高二百五十丈長三里
太平嶺 在白雲嶺西高二百丈長三里

金龍嶺 在金龍山西高二百丈長三里皆石
磴北達武康

石門嶺 在唐山西高一百五十丈長二里南
有唐家陡門閘蓄安溪苔溪山水雖亢旱可灌

田數千頃東達仁和界北達武康界

界山嶺 在縣治北七十里高一百丈長三里

北達武康界東達仁和界

瑪瑙坡 在寶勝寺以碎石如瑪瑙故名圖法

師陶器墓在焉舊有瑪瑙禪院

棲霞洞 一名紫雲洞在嶺巔妙智寺側其地

多岩石蔽翳莽莽中宋賈似道望而異之命施

舍甬修見奇狀遂扶藏剔幽爲亭二曰暢亭曰

淪浴其中穹然如夏屋雙巨石相倚爲開闔每

風從南來徐舒而出悽神寒骨不可久立故暑

遊最勝其石壁小方臺突然坡窅中衡從二石

級下達于坻厥上剛燥益南仰視左竇四五畝

然通明大者圓徑可丈許嘉木當前如月中桂

小者星列自相附屬出洞略西北行百餘步有

水洞循而下可十餘丈泉一泓深不可測極甘

冽

龍泓洞 在天竺山靈鷲院理公巖之北赤烏

二年葛仙翁于此得道有石洞世傳底通浙江

過蕭山有采石乳者入洞聞波浪聲舊有人就

洞兩傍鑿羅漢十六

呼猿洞 宋僧智一善嘯有哀松之韻嘗養猿

于山間臨澗長嘯衆猿畢集人謂之猿父有飯

猿臺又遵式白猿峰詩序云西天僧慧理蓄白

猿于靈澗側有飯猿臺寺僧于此施食

華津洞 在方家峪岩戶靚深石色秀異如翠

螺蒼玉清氣沁人雖夏月登臨寒沁肌膚

水樂洞 在南山烟霞嶺下舊爲錢氏西關淨

心院宋淳熙六年以其地賜李肅仍建佛宇慈

明太后賜楊郡王後歸賈似道岩石巒峙有洞

虛竊泉味清甘聲如金石熙寧二年守鄭解名

之曰水樂洞

石屋洞 在南高峰下洞高廠如屋周圍鑄羅

漢及諸佛像其色蒼翠其洞深竊若螺形極底

有泉

蝙蝠洞 在烟霞石屋洞後內多蝙蝠因名鉅

者如鴉亦多皤白者其糞即夜明砂故老相傳

云極深廣無泉建炎兵火里人避難于中數百

獲免

霞烟洞 祥符志云在縣舊治之西一十六里

其洞極大旁有巖曰佛手巖象鼻巖

天池洞 在南高峰之南山半石笋躍起架虛

壁立上有穴蓄水旱潦不加盈涸下即洞深遂

莫測

千人洞 在天池洞右山實僅六尺許漸進漸

廣可容千人相傳昔有寇難里人多避于此今

甌窰陶器尚存時有漁人取石投下不聞其聲

無門洞 在千人洞上百步峭石巉巖壁立數

仞可視不可登洞深丈餘左右鑄羅漢十六平

坡石甃可坐十餘人視下如在浮雲中

鐵窰櫺洞 在赤山殿司左軍寨內尼庵之側

洞口高數尺舊有蛟龍出入乃鑄鐵窰櫺嵌于

石槽以拒之水自窰櫺中出六月如水過慧因

靈化洞 在郊臺天真院山頂深百餘步直下

闊千餘丈有和靖東坡題名刻于石按縣志武

肅勒壁存焉

登雲洞 在郊臺天真院山內按錢塘志錢武

肅王嘗置登雲臺又名拜郊臺錢氏偕郊天地

之所

葛場 在靈隱山吳方士葛孝仙所居也晉葛

洪亦曾居此

石人塢 在石人嶺下按縣志塢口曰九沙沿

山之路南宋車駕入禹航洞霄宮輦道也

水竹塢 在九里松行春橋南舊有水竹之勝

爲步司前軍寨

青芝塢 在九里松石板巷玉泉後南渡駐蹕

繞湖皆巷市故有石板巷之名也其側郡人高

榮初偶穿土得古穴有磚方尺餘首行鑄唐于

府君墓誌銘并序次行曰府君諱昌嶠字光宇

本安樂郡人 缺 第于文公之後近祖昭理蘇州

刺史六從之孫府君立性溫和爲人敦厚權利

判官知其禮節委以小鋪之惕虔虔夕惕若厲

无咎嗚呼直心奉公不保餘慶享年冊有七貞

元十一年二月六日終于家堂至七月八日葬

于新亭山之大墓禮也長子叔海次子叔政兄

弟五人弱冠小翁角祖母孫氏 缺 與靳 缺 慈

親李氏撫孤頌 缺 銘曰大墓高岡新亭之陽于

子世代千古流芳穴內復有磁盆一磁瓶一錢

百餘文翠色如漢五銖錢碑字畫拙有古意 缺

鳳凰山 在城南十里有金星洞郭公泉出焉西岡石筍羅立名排衙石此山左瞰大江直望海門山下故爲吳越國治錢氏內附改爲杭州州治舊有鳳凰門趙清獻公拊詩云老來重守鳳凰城是也排衙石者錢鏐所名刻詩石上第二峯有白塔塔西有小逕靑石崔巍來道峭壁中有衙人可往來名曰石衙宋名公多題名其間熙寧中郡守祖無擇對排衙石作介亭天風冷然有縹緲晁虛之意高宗南渡駐蹕因州治建行宮山遂環入禁苑元取宋以僧楊璉真伽言卽故宮建報國等五寺又取宋諸帝攢宮骨殖築爲塔名曰鎮南無何雷火自北高峯飛至焚燼無遺旁有勝果梵天二寺按錢塘縣志越

城里許雙峯圓秀兩翼軒翥左薄湖許右掠江濱小峯十餘回環拜舞錢氏建國築城自秦望山由夾城東至江干薄錢塘湖霍山范浦凡七十里南北展而東西縮築鳳凰山爲宮龍珠山 又名巧山在縣治北四十里高十五丈俗傳錢王七夕登山乞巧故名其形圓如珠又名龍珠嶺有一井出自天然去東南一里爲古城山按縣志龍珠山在阜亭山西北

古城山 在龍珠山東南一里高十餘丈上有錢王寨城基猶存按縣志在巧山東北石姥峯西南宋韓蘄王立將臺于山上今其基尚存山下周圍皆馳馬角藝之區也俗名磨盤山

獨山 又名金鰲山在縣治北四十五里高二十餘丈週迴二里每出雲晴則雨雨則晴里人

占之屢驗下瞰橫溪迴環皆水夏則下者菱芡荷蓮高者桑麻禾黍繁迴錯間若雲錦然山北有巨石形若踞虎名大石巖山產松竹鳥多鴉鵲按縣志在縣北三十里高數十丈聳出一旁無別山故名

三峯山 鄉人呼爲西南山在縣治北六十里形如品字相去半里在南爲南峯山高十二丈東爲東峯山高十五丈西爲西峯山高十八丈三峯之廣並里許去東峯北半里爲石靑山突出坂中形如覆掌上有一巨石如屏按縣志山有畱茨庵井泉極甘冽有大理卿夏公祠在東峯之陽

洛山 在縣北六十里高百餘丈周十八里四面皆平原惟此山突起溪流環繞一奇觀也昔有高士自洛陽來隱于此時登嶺望洛故又名望洛山前麓有倪文僖文毅公祠古松凌霄遠望蒼蒼蓋然里人相傳以爲宋木石壁倪乾鐫銘于上迤邐而南爲陡山高四十丈東一里爲蛾眉山高二丈崇聖寺在焉去陡山東一里爲樟山又東爲俞山又一里接大溪

爪山 在縣治東北二十五里其高幾一切週迴三百步上有土神廟曰靈石大王故老相傳昔水泛出香爐一座三足皆龍爪須四人始舉之故卽封爲爪山土神焉
阜亭山 去縣治東北三十里高四百丈雲出則雨宋有崇善靈惠王祠名半山廟旁有水甃及桃花塢新墳塢倪家塢靑草塢蒲塢塢花塢

塢塔塢在焉其下有亞父塚世傳陳重生有神壽百餘而終葬于此元伯顏駐兵阜亭待宋降卽此處也山之後有三塔一爲靑禪師塔元兵發之見二缸相合其屍端坐不化遂掩之半山爲伏虎禪師塔山下有柳翠塔按縣志山之麓有古亭曰阜亭人謂山之所以得名實由于此

靑龍山 在阜亭山之東高五十餘丈山脊蒼翠偃曲如龍
水尖山 在靑龍山之東高二百餘丈按縣志在烏頭東黃鶴山南

莫山 按縣志在靑龍之東
阿媽山 高百丈二山自阜亭而西蜿蜒盤曲盡于橫山下有太平寺
於山 在阿媽山西北二里高十丈按錢塘縣志高三十丈週一里

南鮑山 在阜亭之北高二十丈
泰山 在南鮑山之北高二十五丈上有聚秀庵下有泰村

南山 在太旗山北高約十餘丈東南與佛山日山夾境有杜牧塢云唐杜牧之墓也
太旗山 在泰山之南峰巒頗多高約有五十餘丈下有靑草塢
日暉山 在太旗山之北按縣志高二十丈週二里
管山 在日暉之北按縣志高十丈週二里
小橫山 在管山之北高十丈週二里有喬松

茂竹其麓則櫻桃梅李雜植焉初夏時萬顆圓明晶潤可愛獸多獐兔鳥多山鷄山鵲

桐扣山 在縣治東北五十里晉武帝時岸崩

出石鼓擊之無聲問張華華對曰取蜀中桐木刻作魚形扣之則鳴如其言聲聞數里故名其

西爲母山詳本山下又西爲黃鶴山北爲佛日

山爲茶山西北爲魏化山按仁和縣志山塘畔

有亭山下有石鼓湖西北爲蔡姑山

母山 在桐扣山之西本名鳳凰山視羣山爲

最高約五百丈綿亙十五里張翼左右如母之

顧子因改今名按縣志與黃鶴山東北接壤亦

名母顧山按成化志已云母山則其名亦久矣

然土人至今稱鳳凰山

黃鶴山 在母山之西高三百丈寰宇記舊有

黃鶴樓巔有龍池一名渥注北塢有龍洞石裂

爲路深險不可窺山腰有黃鶴洞外甚狹中可

容數人深窺而黑時有樵牧燕松明入愈行愈

遠疑有龍焉池出雲必雨而又有潭在山之東

故老相傳但看黃鶴山真雲化作白龍潭上雨

蓋僧道潛句也按縣志在阜亭山東北與阜亭

接壤而生有黃鶴公名權者修道于此以人得

名黃鶴公有女人謂之仙姑構一小樓于山北

近巔而居之今基址猶存相傳宋時阜亭黃鶴

諸山極盛南渡兵興設置戍壘而古蹟漸亡

佛日山 在母山東北高百丈按縣志有石佛

禪寺左有渥注池泉水清冽東坡詩云不堪土

肉藏山骨未放蒼龍洗渥注是也其下爲茶山

茶山 高三十丈在佛日之下

魏化山 在佛日之西北高四十丈桐扣已下

諸產多松竹桃薪獸多獐兔鳥則鶯羣山鷄鳩

鵲按縣志名魏花高二十七丈周五百十五丈

產楊梅甚佳

黃山 在縣東北五十里高五十丈按縣志在

桐扣北周五里

橫山 在黃山之北一里名東西二橫山皆相

連絡高二十丈按縣志在阜亭山之西舊志云

自阜亭而西蜿蜒盤曲盡于橫山橫山之高不

下百丈

鷄籠山 在黃山之西高六丈周里許

贊山 在連河之南

蔡姑山 在黃山之西北

臨平山 在縣治東北六十里平曠逶迤無崇

岡修阜其巔曰丘山高六十丈週迴十八里上

有龍洞天井旱未嘗涸禱雨最應又有黃憤嶺

曲竹塢細礪洞劍池錦屏石諸勝下有東嶽廟

景靈觀龍王祠又下爲臨平湖一名鼎湖宋徽

宗崩於五國城梓宮還行在高宗至臨平奉迎

寓於龍德別宮即此地也今湖去山東南五里

按縣志在桐扣山東十里高五十三丈週十八

里一名丘山以唐丘丹居此故名又名駝山以

其形似駝也

安山 臨平西北之支塢

茅山 去臨平西北八里在小林村山無巨材

毒獸稍植松薪鳥多山鷄鵲

落山 去城西北四十里

橫峯山 去城西北五十里高十五丈週五里

趙山 在縣治東北六十里高五十丈週迴十

五里以其超然于阜亭黃鶴之外故名山有石

魚石笋他石多異形如人獸狀上有水旱二龍

洞因建黑龍王祠宋趙清獻公刺杭州禱雨輒

應遂題石崖曰海雲洞公墨迹也繼有趙忠獻

爲勸農使禱雨亦應後丁方伯養浩仰二趙之

高風爲二公建祠後予之喬仲奉方伯于中扁

曰三先祠即葬方伯于祠側因疏河一帶名新

開河以便祀事往來并通農艇西南二里爲丁

山

丁山 在趙山西南二里高二十丈週迴二里

下有丁山湖按縣志漢丁蘭葬母處

龜山 在丁山之北半里高二十丈週里許

馬鞍山 在龜山之北高四十丈週四里

覆釜山 在趙山西北二里高七丈週迴一里

蓬蓋山

緒山 按縣志在縣治東六十里濱海產鹽有

鹽場五見海寧按錢塘縣志爲赫山

白栗山

土山 俱在覆釜山之北參差高下皆十丈週

里許山栽松竹獸惟兔鳥鳩雉山鵲

石膏山 在城西北五十七里出石膏如雪一

名稽留山無毒惡蟲

鶴山 去縣北五十里高祇尋丈

蛾眉山 去縣北七十里大雲鄉高十八丈週

六里城內亦有蛾眉山

烏頭山 在肇元鄉青龍山之東高八十餘丈

按仁和縣志成化志有此山萬曆志載阿媽山

于阜亭之後注曰舊志無而又別載烏頭如舊

文沈蘭先嘗親至其地青龍之東有莫山莫山

而東有阿媽山又東為水尖山而無所謂烏頭

者問之土人皆不知按成化志則烏頭當居青

龍石姥之中今歷數其峰巒杳不可得成化志

又無阿媽山疑阿媽山即烏頭之俗名俗名既

著而原名反晦矣萬曆志豈重複耶存之以待

博考

石姥山 在烏頭山之東與山北石姥峯異有

石高五十餘丈有嶺南接運河塘赤岸嶺之西

有珍珠塢劉正夫墓在焉按縣志山之前麓即

鷄籠山河南有黃陵山又名贊山

東山 去城西北五十一里高二十六丈五尺

週迴七百九十三丈六尺

馬嘯山 郡國志吳伐越至此遇大風雨軍敗

騎兵有馬嘯呼求其主遂名

亭市山 在餘石鄉亭市村居人善陶甕謂之

浙甕

艮山 在杭城東北隅一小土阜耳而山名之

蓋亦地脈近海之所蟠結也按縣志宋時公卿

往來迎餞于此元沈德章有艮山碑記

萬松嶺 在于鳳山門外西路舊夾道巨松根

株盤結唐時所植白居易夜歸詩有萬株松樹

青山上十里沙堤明月中按通志古有八蟠嶺

過北而南達月巖月巖之削壁有宋人題名見

存左為中峰右為宋殿前司營

石姥嶺 在肇元鄉高五十餘丈

黃憤嶺 去城東北六十里安隱寺後按縣志

以丘丹偶乘黃憤出句得名

黃鶴嶺 去城東北五十里始由黃鶴東麓而

升轉出黃鶴山脊在黃鶴之西阜亭之東人謂

之大嶺南通運河北達塘棲

石目嶺 在柯扣進路長半里南通運河北達

佛日寺按縣志由石鼓亭至佛日者必過此嶺

藝花塢在佛日北

金星洞 在城南半里鳳凰山介亭下生金星

草又宋太廟後有金星洞

龍洞 在臨平山自洞門至水際五丈闊一丈

五尺高一丈三尺其水深不可測下有龍王祠

祈禱多應丁養浩曰吾鄉南有超山東南有臨

平丘山每山有水旱二龍洞超山二洞俱在山

陽臨平早洞在山之巔水洞在山陰水洞特圓

遂深沉大勝超山之洞超山石壁有鐫刻海雲

二大字宋時俱載祀典今廢不舉不知始自何

年超山乃黑龍神臨平乃白龍神也

細礪洞 在臨平山出礪石深十餘丈按縣志

陶弘景名醫錄云越砥今細礪石也出臨平即

此俗名旱洞深十餘丈闊二丈五尺高一丈五

尺洞有朱翼拱之題名刻石明萬曆間太學生

郭紹孔刻祈年二字于其上蓋為里人每四月

八日于此占歲之豐歉也

大河 舊為鹽橋運河南自錦雲橋而北至通

江橋與保安水門橋之河合又北過新宮橋稍

西與鍾公橋小河合又北至梅家橋合西河小

河出武林水門又西一派為家橋由天水分院橋

出武林水門

小河 舊為市河東自鍾公橋西轉北由灌肺

橋直至仁和倉橋之北東轉與梅家橋合出武

林水門又一派自觀橋而西合清湖北出武

林水門

西河 舊清湖河西南自府前宣化橋東至戒

子橋開兌頭轉北至轉運橋與湧金門河合東

流與西斷河合北合曲阜橋河至結縛橋東出

眾安橋與小河合出武林水門又一派自八字

橋西清湖橋下分派西行轉北至紀家橋車橋

達便橋出武林水門

東運河 舊為菜市河自東斷河頭至章家橋

北抵壩子橋艮山水門與城外河合

珍珠河 在錢塘門內菩提寺後水口在錢塘

門外成化志云淺流萬曆志稱細流若溝渠今

不可復識矣按杭城水道惟東運河頗為深廣

鹽橋運河水淺易涸其各支河久經淤塞居民

率傾塵土于中更多跨水建屋其上不惟舟航

阻絕久之漸成平陸明成化間偶一疏濬迄無

成功

皇清初屢議修復以費鉅中止及康熙二十三年雲

南趙士麟來撫浙省首倡捐濬分官經理七閱

月而底績悉復當時故道遠近無不稱便學士

邵遠平爲之記

稽家塘 在忠清里乃茅山河所經也今河湮久而塘名尚存唐褚遂良世有顯宦咸居于此因以名塘塘側有空翠池李綱文別業也綱文少有至行父母病能兩刲其股人稱純孝云湧金池 在今湧金門裏吳越錢氏時守將曹杲引西湖水爲池吳越王元瓘書三大字刻石識其旁

聖母池 在吳山中與觀側園以石欄今廢

仁和倉池 在倉之南故老云仁和倉舊爲縣基乃吳公子慶忌故居古有此池

白洋池 在梅家橋東周三里宋淳祐丁未夏旱湖水涸人爭汲此水至有以舟載賣者人賴之寺爲宋張鉉捨宅爲寺故人亦呼張家寺有碑集米芾書

清明池 在錢塘門內大理寺議事廳畔景靈宮園水池 在武林山北

環翠池 在臬司經歷廳署中其地清敞東有方池環池皆柳參差陰綠春夏尤佳古樹四五株大根輪囷蒼皮剝蝕蓋數百年物郭王故宅所遺也華州羅賢爲幕官建亭其上名曰環翠亭

金龍池 在吳山三官廟後廟爲古承天觀梁龍德三年改爲玉虛觀建炎初廢於兵火紹定四年元虛真人復新之天順七年始改稱三官廟中奉天地水府三官之神有梓潼行祠清輝亭天開圖畫閣及金龍水神殿成廟後忽澄泉

迸發遂潑爲池卽所云金龍池也大旱不涸清洌亞於郭井

三佛泉 在城內吳山雲居聖水寺

瑞石泉 在瑞石山下舊有亭久廢

青衣泉 在重陽庵後青衣洞口泉出石罅清鑒毛髮崖壁鑄有唐開成五年南嶽道士邢令聞錢塘令錢華又道士諸葛鑑八分書題名傍鑄佛像及大字心經山頂巨石墜下有石承之若偃飢然前有石門上橫石梁壁間皆細字水波文不知何年泮水至此

錢塘江 在郡城東南二十八里總名浙江其源發自徽州之黟縣廣信之玉山徽州之水既入嚴州桐江而衢州有水自蘭溪來金華之水亦至蘭溪與衢州水合而俱會于桐江乃入杭州之富陽曰富春江至錢塘曰錢塘江凡經過者微嚴紹杭四府曲折而東以入於海按舊志曰史記云水至會稽山陰爲浙江虞喜云潮水投浙山下折而曲一云江有反潯水勢折歸故名浙江盧肇云浙者折也蓋取其潮出海曲折而倒流也一名浙河山海經云禹治水至于浙河莊周云浙河之水潯山浪屋雷擊霆碎有吞天沃日之勢是也又名曲江枚乘七發云將以八月之望觀濤于廣陵之曲江蓋廣陵爲揚州杭屬揚故亦名廣陵曲者卽浙之謂一名羅刹江取風濤險惡之意潮水晝夜再至奔騰衝激諸家之論言人人殊郡人以八月十八日爲潮誕辰傾城往觀善泅者泅濤出沒謂之弄潮往

往沒溺宋設厲禁不能遏今則無之矣其治江之塘自唐宋來代有修築與圯遞變事宜亟圖西湖 西湖故明聖湖也周繞三十里三面環山谿谷縷注下有水道潯而爲湖漢時金牛見湖中人言明聖之瑞遂稱明聖湖以其介于錢塘也又稱錢塘湖以其輪委于下湖也又稱上湖以其負郭而西也故稱西湖西湖諸山之脉皆宗天目天目西去府治一百七十里蜿蜒東來凌深拔峭舒岡布麓若翔若舞萃于錢塘而嶺萃于天竺從此而南而東則爲龍井爲大慈爲玉岑爲積慶爲南屏爲龍爲鳳爲吳皆謂之南山從此而北而東則爲靈隱爲仙姑爲履泰爲寶雲爲巨石皆謂之北山南山之脉分爲數道貫于城中則巡臺潘垣帥閫府治運司贊舍諸署清河文錦壽安廊教東園鹽橋諸塘諸市在宋則爲大內德壽宗陽佑聖諸宮隱隱震震皆王氣所鍾而其外邇則自龍山沿江而東環沙河而包括露骨于茅山艮山皆其護沙也北山之脉分爲數道貫于城中則臬臺分司諸署觀橋純禮諸市在宋則爲開元景靈太乙龍翔諸宮王氣所鍾而其外邇則自霍山繞湖市半道橫衝武林門露骨于武林山皆其護沙也聯絡周匝鉤綿秀絕鬱葱扶輿之氣盤結羣厚體魄閑矣潮擊海門而上者晝夜再至夫以奔水而逆以海潮則氣脉不解故東南雄藩形勢浩偉生聚繁茂未有若錢塘者也南北諸山崢嶸圍繞匯爲西湖洩惡停深皎潔圓瑩若雙龍交

度而鎮下之殊懸抱不釋若蓮萼層敷而馥郁花心含釀甘露是以天然妙境無事雕飾觀之者心曠神怡遊之者畢竟留戀信宇內所稀觀者也六朝以前史籍莫不雖水經有明聖之號天竺有靈運之亭飛來有慧理之塔孤山有天然之檜然華豔之蹟題味之篇寥落莫睹逮于中唐而經理漸著代宗時李泌刺史杭州憫市民苦江水之鹵惡也開六井鑿陰實引湖水以灌之民賴其利長慶初白居易重修六井鑿函窴以蓄洩湖水溉沿河之田吳越王時湖葑蔓合乃置撩兵千人以芟草濬泉又引湖水為湯金池以入運河宋初湖漸淤蕪景德四年郡守王濟增置斗門以防潰溢而僧民規占者已去其半天禧中王欽若奏以西湖為放生池祝延聖壽禁民採捕自是湖葑益塞慶曆初郡守鄭戢復開濬之嘉祐間沈文通守郡作南井于美俗坊亦湖水之餘派也元祐五年蘇軾守郡上言西湖有不可廢者五朝議從之乃取葑泥積湖中南北徑十餘里為長堤以通行者募人種菱取息以備修湖之費自是西湖大展至紹興建都生齒日富湖山表裏點綴漫繁離宮別墅梵宇仙居舞榭歌樓彤碧輝列豐媚極矣嗣後郡守湯鵬安撫周淞京尹趙與憲潛說友通加濬理而與憲復因湖水旱竭乃引天目山之水自餘杭塘達溜水橋凡歷數堰枯槁運之仰注西湖以灌城市其時君相淫佚怠荒竟忘恢復之謀論者皆以西湖為尤物破國比之西施云

元懲宋轍廢而不治兼政無綱紀任民規竊明初籍之遂起額稅蘇堤以西高者為田低者為蕩鱗次作又曾不容間蘇堤以東繁流若帶宣德正統間治化隆洽長民者稍稍搜剔古蹟或倡濬湖之議憚更版籍竟致閣寢嗣是都御史劉敷御史吳文元等咸有題請而浮議蜂起有力者百計阻之成化十年郡守胡濬濬闢外湖十七年御史謝秉中布政劉璋按察使楊繼宗等清理續弘治十二年御史吳一貫修築石閘漸有端緒矣正德三年郡守楊孟璫銳情恢拓力排羣議言於御史車梁僉事高江上疏請之以為西湖當開者五部議報可乃以是年二月興工先是郡人通政何琮嘗繪西湖二圖并著其說故孟璫得以其概上請蓋為備一百五十二日為夫六百七十萬為直銀二萬三千六百七兩斤毀田蕩三千四百八十一畝除豁額糧九百三十餘石以廢寺及新墾田糧補之自是西湖始復唐宋之舊蓋自居易之後二百歲而得蘇軾蘇軾之後四百歲而得孟璫邇來官司禁約浸弛豪民頗有侵園為業者嘉靖十八年巡按御史傅鳳翔行縣清理占據四十四年巡按御史龐尚鵬刻碑於清波湧金錢塘三門嚴為禁防即今又有請佃網利者官司不知多從其請夫陂隄川澤易廢難興與其浩費於已墮孰若旋修於將壞況西湖者形勝關乎郡城餘波潤於下邑豈直為魚鳥之數遊覽之娛若蘇子眉目之喻哉按郡志西湖故與江通引鄭

道元水經及駱賓王楊巨源二詩為證竊謂不然水經云浙江北過餘杭東入于海註云浙江一名浙江出丹陽縣南蠻中東北流至浙江錢塘縣又東經靈隱山山下有錢塘故縣浙江經其南縣側有明聖湖又東合臨平湖經槎瀆注于海水經註又云始皇將遊會稽至錢塘臨浙江不能渡乃道餘杭之西津後人因此遂指大佛頭為始皇纜船石以徵西湖通江之說殊不知西津未必指西湖也至于駱賓王靈隱寺詩有樓觀滄海日門對浙江潮楊巨源詩有云會過靈隱江邊寺獨宿東樓看海門與水經所稱浙江東經靈隱山相合而西湖通江之說泥而不解夫巨源與樂天同時使江必經靈隱山以通西湖則樂天經理西湖時未聞有江潮浸嚙之患况自靈隱而南重岡復嶺橫截江渚者一十餘里何緣越渡以入西湖哉要之漢唐之交杭州城市未廣東北西隅皆為江水所經故今街坊之號猶有洋壩頭前洋後洋之稱所謂合臨平湖經槎瀆以入于海者理或有之若西湖則自古不與江通也乃今江既不經臨平繞趙州而東注而靈隱山之南吳山之北斥鹵之地皆成民居而古蹟益不可考矣

餘杭塘河 在武林門外自江漲橋西四十五里至餘杭縣北通新開運河

龍山河 自鳳山水門至龍山開舊有河計一十二里長一千一百五十一丈置閘以限潮水歲久壅塞元至大元年江浙令史裴堅言其改

修之便延祐三年行省丞相脫脫命民間浚河長九里三百六十二步造石橋八立上下二閘僅四十日而畢工至正六年其子達識帖睦爾來爲平章復疏之洪武七年浙江行省參政徐本李質都指揮使徐司馬以河道窄狹軍艦高大難于出江拓廣一十丈浚深二丈仍置閘以限潮水至是舟楫始便

舊運河 一名裏河自候潮水門至跨浦閘舊有河計七里長七百三十一丈由候潮門南過礮木營普濟衆惠三橋置清水閘又南過蕭公橋置渾水閘又南至跨浦橋置閘頗狹元延祐三年丞相脫脫浚治之洪武五年參政徐本李質都指揮使徐司馬以軍艦難于達江始議開河增開河橫闊十丈閘亦高廣于舊父老云候潮門內諸家橋轉西又有保安閘至保安水門入城保安水門舊通候潮水門此閘久廢

下湖河 在溜水橋沿東西馬塍羊角埂上泥橋至賣魚橋西合餘杭塘河一派自舊打水樓南入江漲橋河一派自八字橋至古塘橋下折入餘杭塘河一派自西堰橋西至飲馬山亦折入餘杭塘河

咸淳志云宋侍衛馬軍司所立庵中有白寶珠茶千葉杜鵑花皆稱奇種

安溪 去縣北五十里溪上大遮山有龍王祠舟人相傳風雨之夕龍吐珠有光按縣志爾雅云水注川曰溪較之湖僅一勾紀西湖者曰溪谷縷注此其一也西溪以湖在治西溪又在湖西故名西溪安溪若溪一溪接壤而殊名者耳溪曲十八里夾岸皆古梅修竹花時人行香雪中舟如鳬鴈穿林渡澗處處幽清初夏新篁拂渚蒼翠滴衣故多幽人若水發源天目經兩郡六邑以入具區錢塘諸溪爲其咽喉以爲灌輸其爲要害也大矣當天目萬山之暴漲也天目之麓山隘地高水經三邑處其下流水力奔放不可即禦餘杭縣其間襟帶山川地形卑下適爲若水所衝是則若水者諸溪之所祖歟東漢嘉平時餘杭令陳渾始築兩湖以潴水並溪者爲南下湖並山者爲南上湖南兩湖相接以殺其勢三果均受其利而我錢塘實允受之自豪家專利上腴壑視鄰國此地無陵陸無磴級千頃龜折枯槁無施上流之壩堰漸壞下流之田慮漂沒力穡之人疾焉

鳳口溪 在安溪之北十八里

學士港 在清波門外相傳宋有學士家此故名港屈曲深隱低窪沿河方出湖口古木鱗皴斜連茅屋最爲幽勝處港上有學士橋柳浪港 在清波門外學士港西古多垂柳風擺成浪故名即十景所謂柳浪聞鶯也

碧沼 在湖墅西左八郎祠前廣三畝水極清俗稱清水潭

如意池 在上天竺麓以青石方丈面鑲如意文曲折四達可流觴焉

金沙池 銀沙池 並在呼猿洞對處

萬工池 在靜慈寺門外宋建炎已前寺累遭火鞠爲荆墟崇熙間有善青鳥之術者云須鑿池以禳之寺僧宗文乃募化開池與力者萬人故名

太子灣 在九曜山之西宋時莊文景獻二太子攢園

枯樹灣 東通得勝橋

梅花泉 在西溪泉底旋濺雪漚作梅花瓣出

瓶頃味甘美品泉者擬之惠山第二

寒泉 在錢塘門外

一勾泉 在寶石山之陽石里下舊未有名太僕寺丞張瑛棄官歸日遊山之保叔寺醉則坐此泉上因名西有乳泉味甘色白

沁雪泉 在大佛寺右壁棠陵方思道題

僕夫泉 後僕夫泉 元僧芳洲所鑿也先是智圓居孤山有僕夫藝竹得泉遂號僕夫泉

後徙寺寶雲山藉葛井以汲寺僧艱之芳洲鑿地得此泉遂名後僕夫泉

參寥泉 在智果寺

君子泉 在鳳林寺後先爲鳥巢禪師定業院院廢久矣泉寒冽而深會爲方沼可冰鮮焉

六一泉 在孤山後巖東坡守杭時所名也久